

THEODORE DE BEZE

AV LECTEUR CHRESTIEN SA-

lut & paix en nostre Seigneur.

* * *

S'IL eust pleu à Dieu nous garder plus long temps son fidele seruiteur M. Jean Calvin, ou plustost si la peruersité du monde n'eust esmeu le Seigneur à le retirer si tost à soy, ce ne seroit ici le dernier de ses trauaux, esquels il s'est tāt fidelemēt & tant heureusemēt employé pour l'auancemēt de la gloire d'iceluy, & pour l'edification de l'Eglise. Et mesmes maintenant ce Commētaire ne sortiroit point sans estre comme couronné de quelque excellente preface, ainsi que les autres. Mais il luy en préd cōme aux poures orphelins, qui sont moins auantagez que leurs freres, d'autant que leur pere est failli trop tost. Cependāt ie voy cest orphelin forti de si bonne maison, graces à Dieu, & si fort representant son pere, q̄ sans autre tesmoignage il se rendra soy-mesmes nō seulement agreable, mais aussi treshonorable à tous ceux qui le verront. Et pourtāt aussi ce n'a pas